

1 MA KORINTOSE

Ọko Ɖeakat̃ Gọ I Paulo Ọtsere Ọtã Ma Korintose

¹ Mme Paulo gọ iki i Ẹaa mọmọ kudọe ame loḍe Yesu Kristo Kat̃mesedze gu bo ọnyiibi Sostene lotsere mi ọko gọgbe.

² Boto botsere ọko gọgbe botã Korinto mafọḍedze ma iki i Yesu Kristo iso ne, Ẹaa ọḍi ma ọse ọtã so. Ọkpere ma sọ maade ̃ maturi Sekelea le kumegọ ọkpere mma ọḍuḍu ana nse makpere Bosate Yesu Kristo. Ọ nde bo gu ma ọḍuḍu Ọkose ne.

³ Bo Ọse Ẹaa gu Bosate Yesu Kristo si matã mi abualera gu isobue.

Ẹaa Se Ọtã Bo Ara Sere Iki I Yesu Kristo Iso.

⁴ Nse lope Ẹaa siba ọwi biara i mi iti ala nnyainyo ne ọtã mi iki i Yesu Kristo iso. ⁵ Gọ mibara mawẽ ku Kristo ọso ne, miọse kat̃ i ira biara ame, ta ikade ọḍuḍu gu inọgba ọḍuḍu ame. ⁶ Kristo iso it̃me ana ọore sidu i mi ame kukaako. ⁷ Ne ọso ne, siwarã ame karatã kukawẽ iibo mi kusa gọ misi misia Ẹaa sọ ̃atã Bosate Yesu Kristo ọledza iba. ⁸ Ọto ̃adzuẽ mi gọ mimọẽ mi kafokade mito sekelee ise iabo kawirik̃. Ọto ̃atã sọ ọwi gọ i Bosate Yesu Kristo aaba ̃ayegu kayiiso at̃me ne, ̃atã mi ibe. ⁹ Ẹaa gọ lokpere mi sọ mibara mawẽ gu ̃ Ọbi Bosate Yesu Kristo ne, ọḍe ngo iso miawo iti ọsia.

Minyo So Kukaako So Iyexeso Kuiwẽ Iibawe I Mi Ndẽ.

¹⁰ I òle gò i Bokòse Yesu Kristo òtã me kanya ne, loto mi i kukpa teteree sò lè manyii awe ne, minògu so ara karõ sò iyexeso kuiwẽ iibawe i mi ndẽ. Minyo sò mi kanya aade kawẽ i ara wa mise mibu gu nwa mise misia ita iso. ¹¹ Wũ manyii, bo manyii ma lobore i Kloe iyo ame ògere me sò kakpadzẽ pia i mi ndẽ. ¹² Nne loto loxe nde sò, mi ndẽ òbiara to òxe sò, “Mme ne, Paulo kama losiai.” Òmama ana sò, “Mme, Apolo kama losiai.” Òmama ana sò, “Mme, Petro kama losiai.” Fie mamama ana sò, “Mme, Kristo losiai.”

¹³ Lokare mi ne, Kristo ne, òxe maɣexe wũ? Eɛbere Paulo òde lokpi i kudziri iso i mi iti? Mapie mi ndẽ òwẽ Ƴaa ndu i Paulo iyere ame? Ooxo! ¹⁴ Lope Ƴaa siba sò loibara Ƴaa itupie kubarara lotã mi kuwẽ idò Krispo gu Gaio ònòwẽ. ¹⁵ Ne òso kuwẽ iibawo òxe sò wũ iyere ame òfò Ƴaa itupie. ¹⁶ Loonyigi sò Stefana gu ò iyo maturi ana ne, lotã ma Ƴaa itupie. Ne kama ne, loisito lonyigi kuwẽ gò lobara ana. ¹⁷ Kristo iipia me sò loba loabara maturi Ƴaa itupie kubarara. Ƴee òpia me sò lose loayere kayiiso maturi Itõme Bielea. Loise loxe ne ku kayiiso inògba, alaso loito lobie sò òle gò mpia i Kristo kukpi gò òkpi i kudziri iso aayu kõ òle kukpese kukpi gò nna kusia.

Kristo Iso Itõme Nde Ƴaa Òle Gu Iwola.

¹⁸ Mma nsegbai lote sò maòkpi i Siwarã ame ne, Kristo kukpi i kudziri iso itõme de idzimira itã ma. Ƴee bo ma lona idj i Ƴaa ame ne, itõme

nemɔ dɛ ɔle itã bo. ¹⁹ I Ɔko Sekelea ame ne, Ƴaa ɔɣɛ sɔ,

“Loanina manɔgbadze inɔgba.

Fie loatã sɔ makotsuese inɔgba aakpese siefe.”

²⁰ Iyɔ le i kayi gagbe manɔgbadze pia? Le i makotsuese pia? Fie mma nse makpadzẽ atõme ne, le mapia ma wũ? Ƴaa ɔɔte sɔ kayiiso gagbe inɔgba ne, sidzimi siɖe. ²¹ Ƴaa ɔki i ã iwola negbe iso ɔbara maturi ngbɔ sɔ maibaki i kayiiso inɔgba iso matsue wũ. Ɔ itõme ne boto boɣe fie ire sidzimi itõme i mawẽ kɔre i ngbe ne, ne iso i Ƴaa ɔki ɔtã mma lofɔ maɖe ngbã ne.

²² Ma Yudase to mabie iwawãra sɔ manya fie ma Helase ana to mabie kayiiso inɔgba sɔ matsue. ²³ Ƴɛɛ bo ne, Kristo gɔ mapɛ mamatãra i kudziri iso itõme boto boɣe. Itõme negbe ɔta iya ma Yudase iso fie mma loiɖe ma Yudase ana ne, ire ma sidzimi itõme. ²⁴ Ƴɛɛ ne, mma i Ƴaa ɔɖi ɔtã so i ma Yudase gu ma Helase ndẽ ne, Kristo iso itõme ne boto boɣe dɛ Ƴaa ɔle gu iwola itã ma.

²⁵ Alasɔ nne i maturi se manyɔ sɔ iɖe Ƴaa sidzimi ne, iɖo ma inɔgba, fie nne nde Ƴaa ɔle idaawe ne, iba ɔle iɖo maturi ɔle.

²⁶ Manyii, si Ƴaa aadji mi ne, minyigi kumegɔ mise i maturi anɔ. Mi gbodzoo iide mma mba ɔle ɣee manɔgbadze fie miibɔre i siɣekpare dze mase maware ame ana. ²⁷ Ƴɛɛ ne, Ƴaa ɔɖi mma loire kuira i kayiiso maturi anɔ sɔ si ɔasu ɔpia kayi gagbe manɔgbadze kunuare. Ɔɖi mma nna ɔle i kayiiso ara inyɔ kanya sɔ si ɔsu ɔpia kayi gagbe maturi ma mba ɔle kunuare. ²⁸ Ƴaa ɔɖi mma loire kuira i maturi anɔ i ɔri kuwẽ iso, fie

mana kuware kukuwẽ so si ɔsu ɔsopara mma nse mabu so so maba kuware. ²⁹ Nnegbe loate so ɔturi kuwẽ iibawo so kato ɔkɔle i Ƴaa katõ ne. ³⁰ Ƴaa ɔtã so miɔbara mawẽ ku Yesu Kristo. Ɔ nde bo iwola ne i Ƴaa ɔsu ɔtã bo. Iki i õ iso fie Ƴaa ɔnyɔ bo so bose bɔlɔlɔ. Bookpese Ƴaa maturi sekelea fie õɔtã bo akpi iti kuso. ³¹ Ne ɔso i Ɔko Sekelea ɔɣe so, “Nɔɔ loade ndamu ne, ɔde ndamu i nne i Bosate ɔbara iso ne.”

2

Paulo Ɔde Ika I Kristo Iso.

¹ Manyii, ɔwi go loba loɣere mi Ƴaa itõme wera ne, iide ɔnyamerẽ gu kayiiso inɔgba ame loba loɣere mi. ² Ɔwi go lowe i mi kɔre ne, loide mi ika i kuira iso ido Yesu Kristo iso gu õ kukpi i kudziri iso. ³ Ɔturi go nna ɔle gu nɔɔ nse ɔnigã ɔti ɔkpakpa loɔde ku ɔwi gɔmɔ ame. ⁴ Minya i wũ ara ite ame ɔduɔdu so loide ɔturi go nse ɔɣe atõme siare loɔde. Ƴee wũ itõme ɔte so Ƴaa Siwarã ɔle pia gbaã. ⁵ Ne ɔso loibabie so mi kafɔkade si kasia i maturi inɔgba iso ɣee ne, kasia i Ƴaa ɔle iso.

Ƴaa Siwarã Ƴe Ira Biara I Ƴaa Iso.

⁶ Ƴee mma loɔmɔ i Ƴaa Siwarã ame ne, lose loɣere ma Ƴaa itõme i inɔgba kɔlea ame, iide kayi gagbe inɔgba gu atakere ma ɔle maɔfo ma iso itõme nto loɣe. ⁷ Iwola ne loto loɣe ala ngbe ne, Ƴaa ɔfu ne ara, ɔkɔla ne i õ ame. Ƴee ɔsia ne ita kokooko ta kayi karõkasekõ so ne iso õaki fie õadi bo. ⁸ Kayi gagbe atakere kuwẽ iixe iwola negbe. Alaso si maɣe ne ne, tee maibape Bosate

mamatāra i kudziri iso. ⁹ Үεε matsere i Ɔko Sekelea ame so,

“Ara wa i kuwẽ iinya,
 ҃ee kutsue iino

gu nne i kuwẽ iibu onya ne, ne i Үaa
 oledza ose otã mma nse maɔɔe wũ ne.”

¹⁰ Үεε bo oso i Үaa oɔi awerera wagbe obo i
 oɔbami iki i Ɔ Siwarã iso.

Үaa Siwarã se sinyonyo ira biara sitsue fie siɔe
 ta Үaa ara wera. ¹¹ Kumego i oturi siwarã dze
 mpia i Ɔ ame ɔe ira biara i Ɔ iso ne, ngbo ame
 i Үaa Siwarã ɔe ira biara i Үaa iso ne. ¹² Bo ne,
 iide siwarã dze nto siɔe kayi gagbe iso mpia i
 bo ame. Үεε Үaa Siwarã dze nse sitã bono bo
 karatã ga i Үaa otã bo karõ mpia i bo ame. ¹³ Ne
 oso ne, iide kayi gagbe iwola ne bosuã boboregu
 i maturi kore ara boto bote mi. Үεε bose boɔi
 Siwarã ame ara karõ bote mi ma ame i Siwarã
 pia. ¹⁴ Ɔbiara go i Үaa Siwarã iito siɔe iso ne,
 Ɔibawo Үaa Siwarã karatã gagbe ofo. Ɔibano kã
 karõ ana alaso kare adzimira i Ɔ kore. Ngo ame i
 Үaa Siwarã pia to Ɔano ara wagbe karõ fie Ɔana
 wã kusia. ¹⁵ Ngo i Үaa Siwarã to siɔe iso ne, ose
 onya isee gu ilalaa oɔi ite. Үεε maturi iise manya
 wũ maɔi ite. ¹⁶ Ɔko Sekelea oɔe so,
 “Nna nɔe Bosate iti ame?

Fie nna loate wũ ara?”

Үεε bo ne, Kristo adzuni mpia i bo ame.

3

Үaa Marabaradze Boɔe.

¹ Manyii, i onukuare ame ne, loiwo mi ika oɔe
 le mma i Үaa Siwarã to siɔe iso. Үεε loɔe mi ika

le kayiiso maturi awe. Loḍe mi ika le mabiete i Kristo kafokade ame. ² Wũ ara wa lote mi ne, ase ḍoborɔ le inyedu me i obiete se omeme, iide makpakpa adera. Alaso owi gomɔ ame ne, miimɔ mitã makpakpa adera fie ipe i kinio ana ne, miito miwo makpakpa adera oḍe. ³ Misi ngbã le mma adzuni oḍuḍu nsia i kayi gagbe ara iso. Si mito mikpẽgu so sirere fie mito milogu so ne, ne kerekere oote so sosina ara kere misi mitã, fie mikotegu kayi gagbe maturi. ⁴ Si mi ndẽ mawẽ to maye so, “Mme, Paulo kama losiai.” Omama ana so, “Mme, Apolo kama losiai” ne, iyo mito mibara ara le mma i kayiiso adzuni kere nto ade ma iso. ⁵ Fie nwagbe oḍuḍu kama ne, nna nde Apolo fie nna nde Paulo? Yaa marabaradze kere boḍe. Bo iso kere miki mifo mide fie bo ndẽ obiara to obara nne i Yaa otã wũ so obara. ⁶ Mme lose karabara karõ le kumego mase mape oraḍui fie Apolo ka ofere oraḍui ndu. Yee Yaa oḍe lotã so oraḍui ore iti. ⁷ Ne oso ne, iide ngo lope oraḍui, yee ngo lofere ndu lonya, yee Yaa go lotã so ore iti lonya oḍo. ⁸ Ikpaki kuiwẽ na i ngo lope oraḍui gu ngo lofere wũ ndu ame. Yaa loatã ma oḍuḍu kuso i ma karabara kanya. ⁹ Malaa boḍe i Yaa karabara ame fie mi nde Yaa kakpekõ. Yaa iyo ana mide.

¹⁰ Yaa ole go otã me kanya ne, nto lobara karabara le yotsuese see awe. Lopia iyo i karõ ame gu ata. Omama õ wũ oba õatsue osia iso. Yee obiara si onyo kukaako kumego õatsue osia iso. ¹¹ Alaso Yesu Kristo nde le ita ne mapia ala iyo i karõ ame fie oturi biara aatsue osia iso. Kuwẽ iisibawo ita mama opia i karõ ame. ¹² Si orere

ɔsu sikāret̃ea ʒee sifudza ʒee ata wa lofo kuʒa ʒee sidziri ʒee kat̃i ɔtsue iyo nemo ne, ¹³ ɔbiara karabara ga ɔbara to kaabore kayi. Kristo iyi siare nemo load̃i ɔbiara karabara ite. Iyi nemo ne, ɔto load̃i ɔbiara karabara ɔte. ɔto maasu makere ɔbiara karabara manyo si kasee kaɔe. ¹⁴ Si so nne i ɔturi ɔsu ɔtsue iyo ɔwo ɔto gogbe ame ɔki ɔbore fie iitsue ne, ɔafɔ kuso go lokote. ¹⁵ ʒee si ɔrere ara wa ɔtsue ala iyo ɔtsue i ɔto ame ne, ɔibana kuso kukuwẽ ɔfo. ʒee ɔ momo to ɔana id̃i le ngo lotere ɔbore i ɔto ame.

Mi Momo Nɔe ʒaa Isoreyo.

¹⁶ Mitsue so mi momo nɔe ʒaa isoreyo fie ʒaa Siwarã pia i mi ame. ¹⁷ ʒaa isoreyo se sekelee fie mi nɔe isoreyo nemo. Si ɔrere onina ne ne, ʒaa to ɔawora onyio gomɔ ɔ wũ.

¹⁸ Mi ndẽ kuwẽ si ɔdaasɔsola so. Si mi ɔrere ɔbu so so ɔɔe kayi gagbe iso nɔgbadze ne, ɔbara so le dzimifo i maturi ano si ɔakpese nɔgbadze bielea i ʒaa ano. ¹⁹ Alaso ara wa i kayiiso maturi se manyo so aɔe iwola ne, wã nɔe adzimira i ʒaa ano ne. Matsere mapia i ɔko Sekelea ame so, “Manɔgbadze inɔgba i ʒaa se ɔsu ɔmoẽ ma i iyebi ame.” ²⁰ Maledza itsere ana so, “ʒaa ʒe so manɔgbadze adzuni ne, siefe kere aɔe.” ²¹ Ne ɔso kuwẽ si ɔdaakole so kato i ara wa i maturi aawo ɔbara iso. Alaso ira biara se itã mi isee. ²² Paulo ʒee Apolo ʒee Petro ʒee kayi gagbe ʒee kukpi gu ngbã, kiniɔ ʒee ɔwi go nto ɔba i katõ ne, wã ɔɔɔɔɔ ɔe mi are. ²³ Kristo mare miɔe, fie Kristo ɔ wũ ʒaa ɔre ɔɔe.

4

Boabara Kristo Karabara I Ori Iso.

¹ Mila miɔnyɔ bo ɛ Kristo marabaradze ma nto manyɔ Ƴaa atɔme wɛrɛa iso. ² Nnɛ i ɔkɔse sɛ ɔbie ɔbɔrɛgu i marabaradze magbe igbā kɔrɛ ndɛ sɔ maabara ma karabara i ɔnukuare ame. ³ Kɪniɔ ne, iito idɔ me si mi Ƴee ɔrere aaxɛgu me atɔme. Mme mɔmɔ kɔra loise loxɛgu so atɔme. ⁴ Wū kaɣere iise katā me ipɔ i ɔri kuwɛ iso. Ƴɛɛ iide ne nto ite sɔ loise lobara ikpi alaso Bokɔse loaxɛgu me atɔme. ⁵ Ne ɔso ne, kuwɛ si ɔdaaxɛgu ɔ ɔlaa atɔme fiɛ ɔwi aaxɔ. ɔwi gɔ i Bosate ɔɔba ne, ɔ loaxɛgu ɔbiara atɔme ku iyi tsɔra ne. ɔ nto ɔɔba ɔɔɔɔ awɛrɛra ɔɔɔɔ ɔɔɔ ɔɔɔɔmi fiɛ ɔɔɔɔ ta nwa mpia i maturi adzuni ame ɔte. Mmɔ i Ƴaa aale ɔbiara gɔ lokote ɔtā ile ne.

⁶ Manyii, si mianɔ ara karɔ ɔso fiɛ losu mme gu Apolo lotā mi ikparī. Misuā nnɛ itɔme nɛ matsɛrɛ masɛ ngbe to ite sɔ, “Mibara ara i ɔri iso.” Ne ɔso midanyɔ kuwɛ sɔ ɔkɔlɛ ɔɔɔ ɔ ɔlaa. ⁷ Nna lobara-ɔ fiɛ afɔ kuɣa aɔɔ fɔ ɔlaa? Ara wa ɔɔɔɔɔ aba ne, Ƴaa losu ɔtā-ɔ. Si ngbɔ ide ne, be ɔso fiɛ ato akɔlɛ so kato ɛ iide Ƴaa lotā-ɔ.

⁸ Ka miba ira biara nɛ mito mibie? Miɔkpese maranase miro? Miɔkpese magara ku ɔwi gɔ ame bo boikpese magara? Aī, wū kayiri tee magara ka miɔɔ fiɛ bo wū boadɛgu mi sigara. ⁹ Ibara me ɛ bo katɔmmemasɛdze ne, kasekɔ tsɔra i Ƴaa ɔsu ɔtā bo. Bo ndɛ mma matā ipɔ gu ira nɛ i maturi aanyɔ botā kayiiso ɔɔɔɔɔ fiɛ maadɔe bo i kaɔɔ ɔɔɔɔɔ gu Ƴaa makpabo anɔ. ¹⁰ Kristo ɔso ne, boɔɔ madzimifo. Ƴɛɛ mi ne,

miđe manogbadze. Bookpese maturi xɔa ma nna ɔle, xɛɛ mi ne, miba ɔle. Boire kuira i maturi anɔ, xɛɛ mi ne, mase maware mi. ¹¹ Ta kinio ne, kukā gu ɔme to ɔkore bo, bopia aradze, maturi to mape bo fie bona kawekɔ̃ kukawě. ¹² Bosu bo mɔmɔ arɔĩ boto bobara karabara bonyɔ so iso. Si magbarĩ bo ne, bootã kusekuse. Si mato mati bo kama i amumuɔɔ ori iso ne, bose bopia so katetere. ¹³ Si maturi ɔtia bo ne, atɔme wa loaxɔra situ bose boxere ma. Bookpese kayiiso aku kawirikɔ̃ gu ara wa loisile ipe i kinio.

¹⁴ Iiđe kunuare nto lopia mi i ara wa nto lotsere mi ngbe iso, xɛɛ ɔka loto mi le wũ mabi dɔese awe. ¹⁵ Si miba nane maturi gbodzoo le mi maratedze i kafɔkaɔe ame ne, ɔse ɔwě saã kere ɔɔe mi. Alaso i mi ngbã me ame miđe mawě ku Kristo ne, lookpese mi ɔse ala mme losu Itɔme Bielea lobo mi.

¹⁶ Ne ɔso loto mi i kukpa so misuã wũ nsegbai. ¹⁷ Nnegbe ɔso nto loapia Timoteo go nde wũ ɔbi dɔese fie ɔse ɔbara Bosate Karabara i ɔnukuare ame ne. Ɔto ɔanyigira mi Kristo ame ngbã me losi fie me nse lote mafɔdedze ɔɔuɔu i kakɔi biara ne.

¹⁸ Mi ndě mawě to makɔle so kato alaso mabu so loibaba mi kɔre mmɔ lonya. ¹⁹ Si Bokɔse ɔbie ne, nto loaba loanya mi i ɔwi kurukutu ame. Nto loabie so loanya ɔle go mmamɔ ba gu atɔme wa mato maxe. ²⁰ Alaso Yaa sigara iđe na i akaɔe kunu ame, xɛɛ ipia i ɔle ame. ²¹ Be mito mibie? Loba mi kɔre ku kutsue ikpadzě eɛbere loba ku kudɔe gu isobue ame?

5

Misa Asorõdzedze Miđi I Mi Mafõdzedze Ndẽ.

¹ Maturi to maƣe sɔ mi ndẽ mawẽ to mabara asorõra wa lofe inyanyarĩ sɔ nane mma loide mafõdzedze iibabara wã igbã. Maƣere me sɔ owẽ pia i mi ndẽ gɔ ɔto ɔregu ð ɔse ɔre. ² Be iti mito mite so? Ikote sɔ miabiẽ. Fie ngɔ lobara ira negbe igbã ne, ipia sɔ miadjĩ wũ mibɔregu i mafõdzedze ndẽ. ³ Atoa sɔ lodzorogu mi fie boito bonya so anɔ ne, lopia i mi kɔre i siwarã ame. Gɔ lopia i mi ndẽ ɔso ne, lootã ngɔ lobara ikpi negbe igbã ipɔ i ⁴ Bosate Yesu Kristo ɔle ame. Si misakanya ne, mitsue sɔ lopia i mi ndẽ i Siwarã ame fie Bosate ɔle ana pia i mi ndẽ. ⁵ Ikote sɔ miadjĩ ngɔgbe mitã Ɔbosam ɔwɔra ð sosina ƣee ð siwarã aana idjĩ ku iyi ne i Bosate Yesu aaba ðaƣegu kayiiso atõme.

⁶ Iikote sɔ miate so ɔduɔdu. Miiƣe sɔ inyagẽ kua kekeĩ gɔ mapia i mmɔre ame aatã mmɔre ɔduɔdu ɔnyagẽ? ⁷ Ne ɔso miđi inyagẽ kua biara gɔ nde ikpi i mi ndẽ. Gbaã ne, mmɔre me loinyagẽ miđe alasɔ maɔɔe Kristo gɔ nde bo Kukpi Ɔtakuwara Bo Iyi Sere. ⁸ Ne ɔso ne, midaatã sɔ boade bo Kukpi Ɔtakuwara Bo Iyi boɔboɔo kuere gɔ ame i ikpi gu ɔtile kurabara pia. Ƴee mitã bođe mmɔre me loinyagẽ i ara bɔlɔlɔ ibara gu ɔnukuare iƣe ame bowũ.

⁹ I ɔko gɔ lotsere mi ame ne, loƣere mi sɔ midaasakanya ku mma nse mađe asorõ. ¹⁰ Ƴee ne, iide mma loide mafõdzedze loto. Ma ne, mase mađe asorõ, ma anɔ se abe arete i maturi sikã iso, mase masu akpira mayu maturi, masɔre aƣo

ana. Si miɣe sɔ miabese so i ma iso pelepele ne, ikote sɔ miabɔre i kayi gagbe ame! ¹¹ Ƴee nne nto lotsere loxere mi nde ngo nde onyii fɔdɔdze fie ɔto ɔɔe asɔrɔ, ɔbebe anɔ, ɔsɔre aɣɔ ɣee ɔrɔ maturi ayere lalaa, ɔrɛ ndã, ɔyu kayu ne, mibese so i ñ iso. Midaadegu wũ nane adera.

¹²⁻¹³ Mma loide mafɔdɔdze ne, ma atɔme iɣegu iide wũ karabara, ɣee Ƴaa to ñaxegu kayiiso atɔme. Ƴee mma nde mafɔdɔdze boaxegu atɔme le kumegɔ i Ɔko Sekelea ɔɣe sɔ, “Misa ɔturi lalaa miɔi i mi ndɛ.”

6

Ikote Sɔ Mafɔdɔdze Aaledza Ma Kerekere Ndɛ.

¹ Si mi ndɛ ɔrere ɔna itɔme gu ñ ɔlaa fɔdɔdze ne, iikote sɔ ɔasu ne ɔkelegu mma loide mafɔdɔdze sɔ maɣe ne matã wũ. Ƴee miɣe ne i mi kerekere ndɛ. ² Miiɣe sɔ mafɔdɔdze loaxegu kayiiso maturi atɔme? Si mi loaxegu kayiiso maturi atɔme ne, be ɔso fie miibawo kutɔmei kpɔlɔkɔi gɔ mpia i mi ndɛ ɔɣe? ³ Miiɣe sɔ bo mafɔdɔdze loaxegu kato makpabo atɔme? Ne ɔso ikote sɔ boawo atɔme wiriwiria wa i ngbã ame ngbe ɔɣe. ⁴ Si itɔme ɔba i mi ndɛ ne, be ɔso fie miibasus mikelɛgu mma bose boware i bo ndɛ sɔ maɣe matã bo fie boasus bokelɛgu kayiiso maturi sɔ maɣe ne? ⁵ Nto loxere mi nneɣbe sɔ kunuare si kukpɛ mi. Alaso bide ɔturi ɔwɛ saã pia i mi ndɛ gɔ ɔɔe nɔɣbadze ñawo mi ndɛ atɔme ɔɣe. ⁶ Ƴee onyii fɔdɔdze to ɔko ñ onyii fɔdɔdze ɔkelegu mma loide mafɔdɔdze sɔ maɣe ma atɔme.

7 So mito miko so mikelogu atõmekayekõ kerekere ɔte so mi kafokade ɔkuti. Be ɔso fie miibatã so maaxere mi? Be ɔso fie miibatã so maade mi amumu? 8 Ƴee mito miɣere so, miɖe so amumu. 9-10 Miiɣe so maturi ma nse mabara ara wa loikote iibana kaɖekõ i Ƴaa sigarakaɖekõ? Midaatã masɔsola mi! Mma nse mabara ara lalaa, maɣɔsɔredze, mma nse maɖe asɔrõ marõgo ma nse maregu ma malaa ɣee marerẽ ma nse maregu ma marerẽ laa, mayukukpe ɣee mma anɔ nse abe i maturi ara iso, mma nse marẽ ndã, mma nse matia maturi ɣee mma nse mayu maturi I inɔgba ame iibana kaɖekõ i Ƴaa sigarakaɖekõ. 11 Ngbo i mawẽ ɔse ku ɔwi go lofe ne, ɣee Bosate ɔɖi mi i mi akpi ame ɔpie mi ndu ɔbara mi sekelee ɔtã Ƴaa iki i Yesu Kristo iyere ame. Iki i õ gu Ƴaa Siwarã ɔso ne, mi gu Ƴaa ndẽ ka ile.

Misu Mi Sosina Mirere Ƴaa.

12 Mi ndẽ mawẽ to miɣe so, “Loba ɔri loabara ira biara.” Gbaã iɖe. Ƴee ira biara iilegu-ɔ. Loawo ɔɣe so, “Loba ɔri loabara ira biara.” Ƴee iikote so loatã kuirã ɔɖe me iso. 13 Ɖmama ana aaxe so, “Aɖera ɔso mabara iyiri fie iyiri ɔso maɖi aɖera.” Gbaã iɖe, ɣee Ƴaa to ɔatã so wã ɔɖuɖu ɔwi to ɔaba ɔafe. Iikote so boasu bo sosina bobara asɔrõra. Ƴee boasu bobara Ƴaa karabara fie Ƴaa aatã sosina ira biara ne lonya sã. 14 Kumego i Ƴaa ɔtara Bosate ɔbɔregu i makpise ame ne, ɔto ɔatara bo ana ku õ ole gomo. 15 Miiɣe so mi sosina ne, Kristo sosina kakpakpai miɖe? Fie iikote so miasu Kristo sosina kakpai kukawẽ

mimatāra i ngo losu asorōra obara ñ karabara. ¹⁶ Miiye ana so si oturi oregu ngomo igbā ne, ma gu wū okpese sosina siwē? Alaso Ōko Sekelea oye so, “Ma inyoo aakpese sosina siwē.” ¹⁷ Yee ngo losu so omatāra i Bosate iso ne, ñobaragu wū owē i Siwarā ame.

¹⁸ Midji so miboregu i asorōra ame. Ikpi igbā biara ne oturi se obara ne, iise ibo i ñ sosina ame. Yee ngo nse ode asorō ne, ñ sosina momo ose osu obara ikpi nemo. ¹⁹ Miiye so mi siturina nde isoreyo itā Yaa Siwarā dze osu otā mi so siwe i mi ame? Iside mi mba so. ²⁰ Yaa otā kuso siare i mi iti. Ne oso misu mi siturina mibara ara wa loale Yaa.

7

Ara Ite Isegu I Kuyiri Iso.

¹ I oko go mitsere me atōme iso ne, lobie so loyere mi so si orerē orere pia go ñito obie so ñayiri orōgo ne, obara isee. ² Yee kumego i asorōra oyede oso ne, ikote so orerē biara si owe ñ ore. Orōgo biara ana si owe ñ orā. ³ Iikote so orerē aasē so ñito otā ñ ore sire. Ngbo ame iikote so orōgo ana aasē so ñito otā ñ orā sire ne. Mabara matā so kumego iakote ma obiara. ⁴ Alaso orōgo siturina iide ñ momo onowē sire. Yee ñ orā ana sire side. Ngbo ame i orerē siturina ana iide ñ onowē sire ne. Ō ore ana ba ole i sē iso. ⁵ Midaasē so miito mitā so sire ido owi go midji mise so miakparama kayi. Fie si ayi wa mise so miakparama kayi mmō ooro ne, mikpese mise le kumego misi. Si mibara ngbo ne, Obosam iibana

ori i mi iso ɔla mi ɔnyɔ go miise miwo ɔɔɔ so iso. ⁶ Nnɛgbɛ iso ne, iide mmara miɔɔ loto lotã mi, ɔɔɔ ɔka loto mi. ⁷ Gbaã ne, tee ibua ile si mi ɔbiara se le me. Ƴɛɛ ne, ɔbiara ku nne i Ƴaa ɔtã wũ. Ɔwẽ ba karatã kawẽ, ɔmama ba kamama.

⁸ Mma loiyiri marã gu mare gu makuɔɔɔ ne, lobie so loɔɔere mi so ialɛgu mi ido si miyiri marã gu mare fie mise le kumɛgo lose. ⁹ Ƴɛɛ si miibawo so ɔɔɔ iso ne, miyiri marã gu marɔgo si minyua ɔtsue ala mi ɔrakolo ɔso.

¹⁰ Marã gu mare ne, mmara mɛ loto lotã ma ne, iide wũ mɔmɔ mire miɔɔ, ɔɔɔ Bosate mire miɔɔ. Iikote so ɔrɔgo aasẽ kurã. ¹¹ Ƴɛɛ si ɔsẽ kurã ne, ɔsɛ ɔ ɔnɔwẽ ɔɔɔ ɔkpese ɔabara mawẽ gu ɔ ɔrã. Ngbo ame i ɔrɛrẽ kuwẽ si ɔdaasẽ ɔ ɔre ne.

¹² Ara tsɔra wagbe ne, mme ka nto loɔɔere mi, iide Bosate mmara miɔɔ. Si fɔɔɔɔɔɔɔ rɛrẽ yiri ɔrɔgo go loide fɔɔɔɔɔɔɔ fie ɔrɔgo ɔnɔ karɔ so ɔasɛ i kurã iyo ne, ɔrɛrẽ si ɔdaasẽ wũ. ¹³ Ngbo ame si ɔrɔgo fɔɔɔɔɔɔɔ yiri ɔrɛrẽ go loide fɔɔɔɔɔɔɔ fie ɔrɛrẽ iibie so ɔasẽ ɔ ɔre ne, ɔrɔgo si ɔdaasẽ wũ.

¹⁴ Alaso ɔrɛrẽ go loifo ɔɔɔ ne, Ƴaa to ɔasekelera wũ iki i ɔ ɔre go ndɛ fɔɔɔɔɔɔɔ iso. Ngbo ame i Ƴaa to ɔabara ɔrɔgo go loifo ɔɔɔ sekelee ala ɔ ɔrã go lofo ɔɔɔ ɔso ne. Si iide ngbo ne, ma mabi iito maase sekelee. Ƴɛɛ le kumɛgo miɔɔ ne, Ƴaa se ɔbara mabi Sekelee.

¹⁵ Ƴɛɛ si ngɔ loide fɔɔɔɔɔɔɔ to ɔbie so ɔasẽ fɔɔɔɔɔɔɔ ne, ɔawo ɔrui faa. I ori goɔɔɔ igbã iso ne, ɔrɔgo fɔɔɔɔɔɔɔ ɔɔɔ ɔrɛrẽ fɔɔɔɔɔɔɔ ba ori ɔabara nne ɔɔɔ. Ƴaa ɔkpere bo so bowe i isobue ame.

¹⁶ Fɔ ɔrɔgo go fɔ ndɛ fɔɔɔɔɔɔɔ ne, iawo ɔki i fo iso so aadi fo ɔrã go loide fɔɔɔɔɔɔɔ. Ngbo ame i

²⁹ Nne nto loyere mi nde so, owi go boba iisisi. Ita i kinio ne, mi ma nyiri marõgo si mise le mma loiyiri awe. ³⁰ Mma nto mabie ana si mase le mma i kuira iito. Mma nto mama ne, mase le mma loito mana isoxo. Mma nto maya ara ne, mabara le ara wa maya iide ma momo are. ³¹ Mma nto mabie kayi gagbe karana odudu so kakpese ma kare si madaasu ma oriinyo masia i karana iso. Alaso kayi gagbe karana iibase daa i owi go nto oba ame.

³² Loito lobie so mimararã so i kuira iso. Alaso orerẽ go loiyiri orõgo se osu õ adzuni osia i Bosate karabara iso fie ose obie so õabo wũ ano. ³³ Yee ngo nyiri orõgo ne, õ adzuni se asia i kayiiso ara iso. Ose obie so õabara nne loaxo õ ore kayiri. ³⁴ Ne oso ne, ose owe i ara ka anyo ndẽ. Ngbo ame i obite go loiyiri kurã ne, ose osu õ adzuni osia i Yaa karabara iso, õ siwarã gu sosina odudu. Yee orõgo go nyiri kurã ne, ose osu õ adzuni osia i kayiiso ara iso, alaso ose obie so õabo õ orã ano. ³⁵ Lobie so loabuai mi oso nto loye ara wagbe. Loito lobie so lonyi mi ku mmara kumiwẽ. Mise ngbã i ori tororoa iso si miawo so osu otã Yaa pelepele ku mi situ odudu.

³⁶ Si orerẽ orere okare orõgo fie onya so õibawo ode so iso le kumego obu ne, mayiri so faa. Maibara ikpi. ³⁷ Yee orerẽ go i kuira iito idaa fie onyo so õawo ode so iso ne, õawo ose so õito oyiri orõgo. Orerẽ gogbe ana obara isee. ³⁸ Ne oso orerẽ go loyiri orõgo ne, obara isee. Yee ngo loiyiri orõgo obara isee odo.

³⁹ Orõgo go nyiri kurã ne, ona ori oyiri kurã mama ku owi go i õ orã kuere si ngbã. Si õ orã

gomo okpi ne, ñawo kurã mama oyiri si obie. YEE orerẽ go ñayiri si ode fodedze. ⁴⁰ YEE i wũ adzuni kanya ne, si ose ñisiyiri kurã ne, ngbã aawe wũ omerẽ mido. Wũ adzuni ađe ngbe, yee lofo lođe so Yaa Siwarã pia i wũ ame mme wũ.

8

Kuka I Ađera Wa Masu Masore Ayo Iso

¹ Kinió ne, lobbie so loyere mi ira i aradea wa masu masore ayo iso. Boye so bo odudu ba iwola, fie boye ana so iwola se itã oturi okole so kato. YEE kudpe ne, ole kuse kupia oturi. ² Obiara go lobu so oye ara ne, otsue so ñitsue oro pelepele. ³ YEE ngo nse odpe Yaa ne, Yaa ye wũ.

⁴ Nne loto loyere mi i aradea wa masu masore ayo ide iso ne, boye so ayo kuawẽ na i kayiiso fie boye ana so maḡaa kumawẽ ana na, Yaa owẽ saã ode mpia. ⁵ YEE so maturi se maḡe so ayo gu masate pia i kato yee karõ ngbe fie ayo wagbe osi gbodzoo ana ne, ⁶ bo boye so Yaa owẽ saã mpia. O nde Ose go lobara ara odudu fie õ bosì ngbã botã. Sate owẽ saã go mpia nde Yesu Kristo go iso i Yaa oki obara ara odudu fie õ iso iki bosì ngbã.

⁷ Iide obiara nye onukuare gogbe. Ara wa i maturi odjì mase mato masore ne, si mađe ađera wa masu masore wã ne, mase mabu so ayo ađera ađe. Ma kayere ga nna ole se katã ma ipo so maopukutura so i ađera wa mađe oso. ⁸ Iide ađera loatã so bo gu Yaa inyó ndẽ aanina. Fie

iito kuira si boiḁe ara wamṵ. Ngṵo ame boibana kuira si boḁe ara wamṵ ana ne.

⁹ Ḳεε minyṵ kukaakṵ sṵ mi iseguso ne ame mipia iibakṵ ngṵ kafṵkaḁe nna ṵle ipia i ikpi ame. ¹⁰ Bu nyṵ sṵ si ngṵ kafṵkaḁe nna ṵle ṵnya fṵ gṵ fṵ mba ṵle i kafṵkaḁe ame to aḁe ara i kuḅṵ iyo ne, nda iabara wū? Ḵabu sṵ ṵ wū ṵawo aḁera ṵse aaḁe i kuḅṵ iyo ame mmṵ faa. ¹¹ Ne ṵso ne, fṵ ṵnyii gṵ iti i Kristo ṵkpi fie ṵ kafṵkaḁe na ṵle to ṵayu ala nne abara i fṵ iwola iti. ¹² I ṵri gṵgbe iso ne, ato aḅere Kristo sṵ atā manyii fṵḁeḁe ma kafṵkaḁe nna ṵle to maana imararāso i ma situ ame. ¹³ Ne ṵso si wū aḁera atā wū ṵnyii ṵbara ikpi ne, loibaḁe aḁera wa masu masṵre aḅṵ lonya sṵ iibatā wū ṵnyii ṵbo i ikpi ame.

9

Katṵmesedze Ḵe Gu Ḵ Karabara

¹ Iiḁe ṵturi gṵ nsigu so loḁe ḅεε? Iiḁe Bosate Yesu Katṵmesedze nḁe? Loinya Yesu gṵ nḁe Bosate? Fie iiḁe mi nḁe wū karabara ga lobara lotā Bosate kusia ḁeakatṵ? ² Si mawē iibafo me le Bosate Katṵmesedze awe ne, mi mifo me ngṵo. Mi mṵmṵ nḁe ikparī ne loate sṵ Bosate Katṵmesedze loḁe.

³ Si maturi to mabie sṵ maakpadzēḅu me atṵme ne, nneḅbe loḁi so ala kanya ne. ⁴ I bo karabara kanya ne, boba ṵri sṵ maatā bo ṵḁe gu ṵne. ⁵ Bo wū boba ṵri sṵ boakṵ bo mare fṵḁeḁe boḅegu le katṵmemasedze tsṵra gu Bosate manyiibi gu Petro awe. ⁶ Eḅere mme gu Barnaba ṵṵwē saā loabara karabara bonyṵ so iso?

⁷ Kpakpēdze biara ana se ofo kuso oboregu i ñ karabara ame. Fie Kpēdze biara ana ba ori so ñaḍe ñ kakpekõ ame araḍea. Maboi kōdze biara ana ba ori so ñane ñ maboi inyedu. ⁸ Iiḍe ara wa i maturi to maḡe oso kere nto loḡe ngbo. Ẅee ngbo i mmara ote ne. ⁹ Boka i Mose oko ame so, “Boi gō nse okpē otã-ō ne, daanyi wū kanya.” Ẅee ne, iide maboi iso i Ẅaa to oḍe ika. ¹⁰ Bo iso i Ẅaa oḡe itōme nemo. Ngbo ame i kpēdze gō nse ope oraḍui gu ngō nse osorē obō kaa ne, ma inyō se manyō ori so maana kaḍekõ i oraḍui gōmo ame. ¹¹ Bope siwarã ame oraḍui i mi ame. Ne oso si mitã bo sosina ame ara ne, iinina kuirã. ¹² Si maturi mama to mana kusia gōgbe igbã i mi iso ne, iikote so bo wū boana ngō losi kuḍo? Ẅee so boba ori gōgbe ne, boisu bobara kuirã. Bosu ira biara bosia so iso so boibasū kuirã botēra Kristo Itōme Bielea ori kukakoi. ¹³ Miḡe kukaako so mma nse mabara karabara i Ẅaa isoreyo ne, mmo mase mafō ma araḍea maboregu. Fie mma nse mafē ara matã Ẅaa i isorekasege iso ne, mmo mase mafō ma aḍera maboregu. ¹⁴ Ngbo ame kere i Bosate otã so mma nse mape Itōme Bielea imomo ne, itōme nemo iḡe ame maade ara maḍi.

¹⁵ Atoa so loba ori gōgbe ne, loibara ñ karabara. Loito lotsere mi oko gōgbe so si lowanyi mi nne nde wū okpe. Si lokpi kōra ne, ile me iḍo so oturi aanyō ira ne iso loawo ndamu oḍe pupurii. ¹⁶ Nna ori loakole so kato i Itōme Bielea ne loto loḡe iso. Ndzo miḍe mitã me si losē so loito loḡe Ẅaa itōme! ¹⁷ Si lobara wū karabara ku otu ḡoa ne, iyo loanyō ori lotã kuso ifō. Ẅee ne, loto lobara kã ala Bosate lopia me so lobara fie Ẅaa

loxedza me i kã kanya. ¹⁸ Mme kuso loafõ iyo? Wũ kuso nde so loaxe Itõme Bielea nemo kere. Fie loibara òle gõ loba karabara lotã wũ kusia.

¹⁹ Oturi gõ nsigu so lođe fie lona i kuwẽ kayirino. Yee lobara so obiara ođabo so loawo maturi gbodzoo oko obo Bosate kore. ²⁰ Owi gõ loto lobara karabara i ma Yudase ndẽ ne, lose ngbã le o Yudase awe so loawo ma ođi otã Bosate. Yee so lona i Mose mmara kayirino ne, lose le ngõ nse obara i mmara iso so si loawo ma okpadzẽ obo Bosate kore. ²¹ Ngbo ame lobara i mma loide ma Yudase ndẽ ne. Loise lobara i ma Yudase mmara iso so si loawo ma ođi otã Bosate. Nnegbe iite so lota loxe i Yaa mmara iso. Alaso gbaã ne, Kristo mmara iso nto lođe. ²² Si lopia i mma kafokade nna òle ndẽ ne, lose lobara so le ma awe so loawo ma okpadzẽ obo Bosate. Ne oso nse lokpesera so ira biara lotã maturi oduđu i ori biara iso so si loawo mawẽ ođi otã Bosate. ²³ Itõme Bielea oso lobara nwgbe oduđu so loana isoyõ ne mpia i karabara ame.

²⁴ Miye sekelee so si mato matere ise ne, maturi gbodzoo nse matere, xee owẽ saã pe nse ođe iso. Ne oso mitere ise so miade iso mifo ikoto. ²⁵ Obiara gõ nse otere ise ne, ose ofõ ikpadzẽ so si òade iso. Ikoto ne mase fo ne, iise ise dzoroo fie ise inina. Yee bo ne, boaledza so botã ikoto ne loise inina inya. ²⁶ Nnegbe oso nse lotere tãrãrã so loadaxe iwefi ne. Ne oso ana lose le ngõ nse okpẽ imami xee loise lope akama i owiri ame ne. ²⁷ Nse lotã wũ sosina ofõ akama gbodzoo so loabõsẽ karõ. Alaso si loxere maturi Itõme

Bielea fie mafiniki ne, loito lobie sɔ maaxere me i kawirikõ sɔ loikote.

10

Paulo Ɔtã Mmara I Aɣɔ Isɔre Iso.

¹ Wũ manyii, lobie sɔ mianiyigi ara wa loba i bo mawa ma losiai Mose iso. Idɔdɔ ɔsegu ma, iko ma ɔɖuɖu fie maki i Ɔpo Rɛtea ndẽ mafe.

² Ƴaa ɔsu idɔdɔ gu Ɔpo Rɛtea ɔbara Ƴaa itupie kubarara ɔtã ma le Mose masiaidze awe. ³ Ma ɔɖuɖu ɔɖe Siwarã ame araɖea awẽ saã. ⁴ Fie mane Siwarã ame ndu miwẽ saã memɔ. Mane ndu me lobɔre i Siwarã ame ita ne losiai ma ame. Ita nemɔ nde Kristo mɔmɔ ne. ⁵ Ɔwi gɔmɔ ame kɔra ne, so iixɔ Ƴaa i ma mawẽ iso ala ma nsegbai ɔso. Ne ɔso ne, makpi i fafuĩ ame.

⁶ Nwagbe ɔɖuɖu ɖe ara isuã si ite bo sɔ ara wa nse abɔ ikpi si adaakpẽ bo ɔkã le ma awe, ⁷ ɣee bosu so botã aɣɔsɔrera le ma awe. Ɔko Sekelea ɔɣe sɔ, “Maturi ɔba maasakanya sɔ mato mapia so isoɣɔ, ɣee ma isoɣɔ ɔba iakpese itarẽ gu asɔrõ ide kato.” ⁸ Iikote sɔ boade asɔrõ kumegɔ mabara fie i iyi iwẽ saã iso ne, maturi kukpi sinyɔ ite ɔkpi. ⁹ Midaatã bola Bosate bonyɔ le kumegɔ mabara fie maɣe ɔɖoɖo ma makpi. ¹⁰ Fie midaatã bota boya Ƴaa iso le kumegɔ i ma mawẽ ɔbara fie Ƴaa Kpabo gɔ nto kukpi ɔle ɔwɔra ma.

¹¹ Ara wagbe ɔɖuɖu ɔba ma iso si iade ara isuã itã maturi. Matsere wã mase ana sɔ si boasu boka so alaso kayiiso kawirikõ ɔwi ame bopia kinio. ¹² Ɔbiara gɔ nse ɔbu sɔ ɔɣe teteree ne, ɔnyɔ kukaako sɔ ɔibabɔre ɔrõ. ¹³ Ilainyɔ igbã biara ne looba mi iso ne, ne ame kere nse iba i

ɔturi biara iso ne. Ƴɛɛ Ƴaa sɛ ɔbara i ð itõme iso sɔ ðibatã ilainyo ɔwe ɔle idɔ fɔ kafɔkaɔɔ. Fie ana ne, Ƴaa to ðatã-ɔ ɔle sɔ aawo ɔya teteree fie ðate-ɔ ɔri gɔ iso aaki fie aabɔɛ i ne ame.

¹⁴ Ne ɔso ne, wũ manyii, midji so mibɔɛgu i iɔsɔɛ ame. ¹⁵ Nto loka mi lɛ manɔgbadze awe, ne ɔso mi mɔmɔ mikere ara wa nto loɔere mi minyo. ¹⁶ Ikɔi nɛ bɔsɛ bɔsɛ ala ɔpɔɔ kato fie bɔsɛ bɔpɛ Ƴaa siba i ne iti ne, si bɔnɛ ara i ne ame ne, iɔɛ itã Bosate ima. Fie boɔobodo gɔ bɔsɛ boɔe i ɔpɔɔ kato ana ne, ɔɔɛ ɔtã Bosate sosina. ¹⁷ Atoa sɔ bosi gbodzoo ne, gɔ boɔobodo ikuri iwẽ i bo ɔduɔ sɛ boɔe ɔso ne sosina siwẽ ka boɔe.

¹⁸ Mibu Israel mabi minyo. Mma nse maɔe ara wa masu masɔɛ Ƴaa ne, maɔbara mawẽ ku Ƴaa i ma isɔɛ ame. ¹⁹ Be ɔso nto loɔɛ ngbɔ? Ɔɔɛ loto sɔ aɔɔ wa mapɔ ɔɛɛ ara wa masu masɔɛ wã ne, ira iwẽ idɛ? ²⁰ Ooɔo! Nnɛ loto loɔɛ mi ndɛ sɔ, ara wa mase masu masɔɛ aɔɔ ne, siwarã lalaa siɔe masu wã matã, iide Ƴaa. Fie loito lobie sɔ miɔe kulaa ku siwarã lalaa kusiwẽ. ²¹ Iile sɔ mianɛ mibɔɛgu i Bosate ikɔi ame miledza inɛ ibɔɛgu i siwarã lalaa ana ikɔi ame. Iikote sɔ miade ara i Bosate ɔpɔɔ kato i isɔɛyo mise mialedza aradea idɛ i siwarã lalaa kasɔɛkɔ ana. ²² Ɛɛbɛɛ ɔbie boto sɔ Bosate si ɔna sikipã ɔkpẽ sirerɛ? Bofɔ boɔe sɔ boba ɔle boɔo wũ?

²³ Bɔsɛ boɔɛ sɔ, “Ɔri pia sɔ boabara ira biara.” Gbaã idɛ. Ƴɛɛ iide ira biara nɛ. Ɔri pia sɔ boabara ira biara, ɔɛɛ iide ira biara ndɛ kusia

itã bo. ²⁴ Fɔɖedze kuwẽ si ɔdaabie ã ɔnɔwẽ saã ɔkpe, ɣee ɔbie nne loakote ã malaa.

²⁵ Aba ɔri aaya sina igbã biara dze mato marɔdẽ aɖe. Ɏee iikote sɔ ala ɔkare sɔ sina sekelea siɖe eɛbere kuɔɔ masu masɔre. ²⁶ Alaso Ɔko Sekelea ɔɣe sɔ, “Kayi gu kã ara ɔɖuɖu wa mpia i kã ame ne, Bosate mba.”

²⁷ Si ngo loiɖe fɔɖedze ɔkpere-ɔ sɔ ba ɖegu wũ ara fie atɔrã sɔ aase ne, ibiara ne ɔtã-ɔ sɔ ɖe ne, ɖe ɣee daakare anɔ sɔ isekele eɛbere iisekele.

²⁸ Ɏee si ɔrere ɔɣere-ɔ sɔ kuɔɔ masu aɖera wamɔ masɔre ala ne, daaɖe. Si iide ngbɔ ne, kaɣere to kaadaa ngomɔ. ²⁹ Iide fɔ go fɔ loɖe ara wamɔ i kaɣere aɖaa. Ɏee ngo lonya-ɔ fie ɔɣere-ɔ i kaɣere aɖaa. Ɔrere aawo ɔkare sɔ, “Si loba ɔri loabara irere ne, be ɔso fie ɔturi mama kaɣere ɔso ne, loanyua ɔbara? ³⁰ Si lope Ɏaa siba i araɖea wa ɔtã me iti ne, be ɔso fie ɔmama aabu sɔ loɣere wũ i wã iti go loope Ɏaa siba?”

³¹ Ɏee i bo ɔɖe gu ɔne ame ne, ikote sɔ boabara wã ɔɖuɖu botã Ɏaa iyere kato ikɔle.

³² Midaabara kaira ne loatẽ ma Yudase ɣee mma loiɖe ma Yudase ɣee mafɔɖedze Ɏaa kɔre ɔri.

³³ Mibara le kumego nse lobara wũ ira biara fie loise lota loya kuwẽ iso. Loise lobie wũ ɔnɔwẽ saã ɔkpe, ɣee nne loabara fie iaɖe isee itã ɔbiara iɖi.

11

¹ Misore wũ nsegbai le kumego mme wũ nto losore Kristo nsegbai.

Kristo Nɖe Ɔturi Biara Iti.

² Nse lole mi alaso mise minyigi me owi biara ame fie mise minyigi ara wa lote mi. Mito mibara i wã iso owi biara.

³ Ƴee loto lobie so mino karõ kukaako so ne, Kristo nde oturi biara iti. Orerẽ nde õ ore iti fie Ƴaa nde Kristo iti. ⁴ Ne oso orerẽ go nse okparama kayi xee ope Ƴaa itõme imomo i Ƴaa iyo fie osu ira ofu so iti ne, oto opia Kristo kunuare. ⁵ Orõgo go ana nse okparama kayi xee ope Ƴaa itõme imomo i Ƴaa iyo fie õinyi duku iti ne, oto opia õ orã kunuare. Ikpaki kuiwẽ na i õ gu ngo lokparẽ õ iti ndẽ. ⁶ Si orõgo orere so õibanyi duku iti ne, iyo omõẽ okpariẽ. Fie si iti ikparẽ se ibo orõgo ano karõ ne, iyo onyi duku iti. ⁷ Orerẽ xee ne, iikote so ðasu kaira ofu iti ala Ƴaa obara wũ le kumego ose. O nse odj Ƴaa kuware ote ne. Fie orõgo ana se odj orerẽ kuware ote. ⁸ Alaso karõkasekõ ne, iide orõgo i Ƴaa ode katõ obara. Ƴee ne, obara orõgo oboregu i orerẽ ame. ⁹ Iide orõgo oso fie Ƴaa obara orerẽ. Ƴee orerẽ iso i Ƴaa obara orõgo. ¹⁰ Kato makpabo oso ne, ikote so orõgo aasu duku onyi iti si ote so opia i õ orã kayirino.

¹¹ Atoa so ise ngbo ne, mafodjedze ma nde mawẽ ku Kristo kase iise ngbo. Orõgo iisigu so fie orerẽ ana iisigu so. ¹² Alaso kumego mabara orõgo madj i orerẽ ame ne, ngbo ame i orõgo ana se oxe orerẽ ne, xee ara odudu ne, Ƴaa kore abore.

¹³ Mi momo minyo si ikote so orõgo aaya okparama kayi so õifu so ara iti? ¹⁴ Ngbã momo kora ote bo so iile so orerẽ iti aafe iyi. Si orerẽ iti oyi kpiti ne, ka ise ikpẽ wũ kunuare. ¹⁵ Ƴee

si ɔrɔ̃go iti ɔyi ne, idɛ kuware itã wũ. Alaso ʒaa lotã wũ siwerẽ tagbaraa so ɔsu ɔfu iti. ¹⁶ ʒεε si ɔrere to ɔbie so ɔkpadzẽ itõme negbe ne, nne kotoo loaxere wũ ndɛ so, kuira siina go loaxɛ idɔ nnegbe fie mafɔdedze ɔduɔdu ana iisitɔrã i kuira mama iso.

Kumegɔ Boase Bosate Ɔpɔrɔ̃ Katɔ̃

¹⁷ I ara wa nto loba loate ngbe ame ne, loibawo mi ɔle. Alaso si miba miasare so mito misɔre ʒaa ne, ara sεε wa nse abɔre i mi isare ame iisi le ara lalaa. ¹⁸ Idɛakatɔ̃ ndɛ so, lonɔ so si misakanya le mafɔdedze ne, miɣɛɣɛ so i akuri ame. Lofɔ itõme negbe loɔɔ. ¹⁹ Ina ʒaa so kakpadzẽ pia i mi ndẽ si iate ikpaki ne mpia i mma ndɛ mafɔdedze gbaã gu mma loiɔɔ ndẽ. ²⁰ Si misakanya ne, iide Bosate ɔpɔrɔ̃ katɔ̃ aɔɔera mise miɔɔ. ²¹ Alaso si miba miasakanya ne, miise miya misia so fie mise mitse aɔɔera idɛ. Ne ɔso ɔwi go i kukã to mawẽ ne, mawẽ ka marẽ ndã. ²² Mina ayo ngbegɔ miɔɔɔ ara mine ndã? Be ɔso mito mibie so miapia ʒaa mafɔdedze ikuri kunuare mikuti misopara mafɔdedze wereba? Be si nyere mi? Loibawo mi ɔle i nnegbe ame. Ooɔo!

²³ Alaso nne lofɔ lobɔregu i Bosate kɔre nto lote mi ngbe. Kasẽ ga ame maɔi Bosate Yesu matã ne, ɔsu boɔobodo. ²⁴ Go ɔpe ʒaa siba ne, ɔbese boɔobodo ɔɣɛ so, “Wũ siturina dze losu losɔre ʒaa lotã mi ngbe ne. Mifɔ miɔɔ si misu minyigi me.” ²⁵ Ngbo ame go maɔɔ ara maro ne, ɔsu ikoi, ne ɔɣɛ so, “Ikoi negbe ndɛ nne i ʒaa ɔsu ɔto ɔnyigu mi kanya ɣɛɛ ga wũ ima ndɛ ikparĩ ne. Ɔwi biara go miane ne, misu minyigi me ala.”

“Yesu nde Bosate,” si Siwarã Bielea iito siđe wũ iso ne.

⁴ Siwarã karatã gbodzo pia, ƣƣ Siwarã siwẽ saã siđe lotã kã. ⁵ Bose bobara Ƴaa karabara i siri agbãagbã iso, ƣƣ Bosate ɔwẽ saã karabara boto bobara. ⁶ Karabara agbãagbã ana pia, ƣƣ Ƴaa gomo ame nse otã ole fie maabara kã ne.

⁷ Karatã biara ga i ɔrere ba ne, Ƴaa Siwarã lotã wũ so ɔsu ɔbara karabara otã maturi ɔduɔdu kusia. ⁸ Ƴaa Siwarã otã ɔwẽ iwola ne loatã so ɔawo maturi ika ɔɔ. Omama ana ne, Siwarã otã wũ inogba ne ɔaɔ ala maturi ika fie maano karõ. ⁹ Omama ana ba kafokade siare iki i Siwarã dzemo ame ame. Fie omama ne, Siwarã dzemo ame otã wũ sinye isa karatã. ¹⁰ Siwarã se sitã ɔwẽ ole so ɔabara awawãra, omama ne, Ƴaa itõme iƣe, omama ana ne, Siwarã agbãagbã itsue idj ite. Fie omama ɔ wũ ne, siđe agbãagbã iƣe. Omama ana ne, siđe agbãagbã karõ idj. ¹¹ Ara wagbe ɔduɔdu ne, Ƴaa Siwarã siwẽ saã dzemo karabara kade. Sise siƣe maturi karatã le kumego sibile.

¹² Kuturidziri de kuwẽ ƣƣ ngoi agbãagbã pia i kõ iso. Ngbo ame i Kristo de ɔwẽ ne, ƣƣ ɔba ngoi agbãagbã. ¹³ Maki i Siwarã siwẽ saã ame mabara bo kuturidziri kuwẽ. O Yudase aɔe o-o, aɔe o Yudase o-o, ɔsande aɔe o-o, asigu so o-o, bo ɔduɔdu Ƴaa itupie kubarara kuwẽ gomo ame i Siwarã otã bo ne. Siwarã siwẽ saã dzemo ame ndu masu matã bo bone ne.

¹⁴ Kuturidziri ne, kuiɔe ira iwẽ kere. Ƴƣ ara agbãagbã losakanya abara kuturidziri. ¹⁵ Si kukpa ɔƣe so, “Go iide korõ loɔe ɔso ne, loide

kuturidziri kakpai ne, iyo kukpa iisibua i kuturidziri iso?" ¹⁶ Fie si kutsue ana oye so, "Go iide me nde inomi oso ne, loisibua i kuturidziri iso" ne, iite so kutsue iisimatā i kuturidziri iso? ¹⁷ Si kuturidziri odudu ne inomi kuḁe ne, nda kuabara fie kuanḁ ara? Si kutsue ana kere ana kuḁe ne, nda kuabara fie kuasu ara ofiā? ¹⁸ Ye si bokarā inḁ ne, boanya so Yaḁ osu sosina ira biara omatāra i ngbego oduḁe so iwe. ¹⁹ Si kuturidziri odudu ne, ira ka iwē kere ide ne, nda iase? ²⁰ Ye le kumego boḁnya ne, oturi iso ara oḁi, ye kuturidziri ḁe kuwē.

²¹ Ne oso inomi iibawo korō oḁere so, "Loito lobie-o i wū kuira ame." Iti ana iibawo kukpa oḁere so, "Ainya me i kuira ame." ²² Kuturidziri ngoi me lonyo xekpete mido ne, si mina boibawo kuira obara. ²³ Ngoi me boise boware ne, me kora bose bodzue kukaako boḁo ne. Fie ngoi me loikote so boadi bosō i ogbami ne, bose bokola me kukaako. ²⁴ Boise bobara ngbo botā ngoi me nto mile onyo. Ye Yaḁ ofinikira nrō i kuturidziri iso so bose boware ngoi me nna ole boḁo. ²⁵ Obara ngbo so si ixexeso iibawe i kuturidziri ame, ye kakoi biara aaware kā olaa. ²⁶ Fie si kuturidziri kakoi kawē to kanya ibo ne, sosina odudu se sinya ibo. Ngbo ame si male kakoi kawē ne, ngoi tsora odudu se mina isoxo.

²⁷ Ne oso mi odudu mamatā i Kristo kuturidziri iso fie boḁe o sosina ngoi iwē iwē. ²⁸ I mafodetze ikuri ame ne, Yaḁ osu bo odudu oḁia i ngbego lokote bo. Ma deakatō nde katōmemasedze, manyoḁa nde Yaḁ kanyamadidze, mateare nde maratedze, iyo mma nse mabara awawāra fie

mma mba sinye isa ole, iyo mabuaidze, iyo matõdõdedze gu mma nse maɣe side agbãagbã ana. ²⁹ Iide maturi odudu nde katõmemasẽdze ɣee kanyamadidze ɣee maratedze. Ngbo ame iide obiara mba ole go ñasu obara ala awawãra ne. ³⁰ Iide obiara mba ole go mase masu masa sinye ɣee maɣe side agbãagbã ɣee maɗi ara wa maɣe karõ. ³¹ Ne oso misu mi situ misia i karatã ga lokole kato kaɗo iso.

Kiniõ ne, loate mi nne lonya ido wã odudu.

13

Nne I Kuɗɗe De.

¹ Si loawo side agbãagbã wa i maturi gu ɣaa makpabo odudu se maɣe oɣe fie loise loɗɗe maturi ne, wũ kutsue iɣe odudu ne, siefe kere ide le ipoodze mato masa. ² Si loawo ɣaa kanya oɗi fie loano awerera karõ, loba inõgba odudu fie loba kafõkaɗe ga loawo abe orui fie lona kuɗɗe ne, loide kuira. ³ Si losu wũ karana odudu lotã mawereba fie lotã matsuedza me ɣee lona kuɗɗe lotã maturi ne, loide kuira. ⁴ Kuɗɗe se kuɣara so, kuba kayiribielea. Kuise kubebe ano, kuise kukole so kato, kuise kuɗe ndamu. ⁵ Kuɗɗe na atsuele, kuise kubie kõ onõwẽ saã okpe, kuise kuna sikpã malamala. Kuɗɗe iise kumõẽ akpi kupia i otu ame dzoroo. ⁶ Kuise kuna isoɣo i ikpi iso. ɣee so se siɣo kõ i isee iso. ⁷ Kuɗɗe se kufõ ira biara põkõsoo, nrõõ iise mifẽ kõ i oriinyo gu kafõkaɗe ame, kuɗɗe ba oɗzini.

⁸ Kuɗɗe na kawirikõ. ɣaa kanya idi to iafe, side agbãagbã iɣe to iafe, fie inõgba ana owi to

šafe. ⁹ Alaso inogba gu kanya idji karatã ga i Yaa otã bo ne, iiro oyi. ¹⁰ Ōwi go i nne loyi iro aaba ne, iyo nne loiro oyi ōwi to šafe. ¹¹ Ōwi go lođe obiete ne, lođe ika le obiete awe, lobu iti ame le obiete fie wũ ara karõ ino ana ose le obiete. Yee kinio go loomõ ne, loonyua sibiete ōwi ara lose ala ana me kusia. ¹² Ara wa boto bonyo kinio ne, boto bonya furufuru le aɔɔɔɔɔɔ ame boto bonyo. Kama kama ne, boto boanya ara ano ku ano. Ara wa loye kinio ne, aiyi pelepele yee kama kama ne, nto loatsue wã kukaako le kumego ame i Yaa ye me kukaako.

¹³ Ne oso ne, ara ka ate ađe mpia. Wã nde kafokade, oriinyo gu kudɔe. Yee nne lomõ ido i wã oduɔu ame nde kudɔe.

14

Ara Ite I Siwarã Ame Karatã Mama Iso.

¹ Ne oso kudɔe si kude nne miatere misiai mido, yee mibie siwarã ame karatã mama ana titirio Yaa itõme kanya idji. ² Ngo nse oye side agbãagbã ne, iide maturi oto odeggu ika yee Yaa oto. Alaso kuwẽ iise ono karõ, yee oto oye ara weraa iki i Siwarã Bielea ole ame. ³ Yee ngo nse oɔi Yaa itõme kanya otã maturi ne, ose obuai ma so maamo, opia ma ole gu kayora. ⁴ Ngo nto oye side dze i kuwẽ iito ono karõ ne, õ kere nto obuai so. Yee oturi go nse oye Yaa itõme ne, ose obuai mafodedze ikuri oduɔu.

⁵ Ito me okã so mi oduɔu aawo side agbãagbã oye. Yee si miawo Yaa itõme kanya oɔi otã maturi ne, iawe me omerẽ ibua. Alaso ngo nse

odji Yaa itōme kanya otā maturi ne, oba kusia odo ngo nse oye side agbāagbā, xee si orere pia go dawo ara wa oto oye karō odji ne, iyo mafodedze ikuri to iana katō ise.

⁶ Ne oso ne, wū manyii, si loba mi kore fie nto loye side agbāagbā dze miito mino karō ne, mme kusia miana midji i ne ame? Xee si loba ku Yaa idji ite irere xee inogba irere xee Yaa itōme irere xee ara ite irere ne, iade mi kusia.

⁷ Ngbo ame ise i kadadā gu osango go ame ngbā na xee si mafē ne, ise idji silo. Si silo agbāagbā iibore kukaako ne, nda maabara maatsue kuka go oturi to ofē? ⁸ Si ngo lofē kadadā iifē kukaako ote nne oto oye ne, nda i maturi aaledza so matā kakpā? ⁹ Ngbo ame ise i ngo nse oye ara i side agbāagbā ame fie maturi iito mano nne oto oye karō ne. Owiri ame kere oto ode ika opia. ¹⁰ Side agbā gbozoo pia i kayiiso fie ku side na dze nna karō. ¹¹ Xee si orere iito ono side dze nto loye ne, iyo lode ofo i o kore fie o wū ode ofo i wū kore. ¹² Go ano orete mi mito mibie siwarā ame karatā ne, mitā so mi ano aarete i karatā ga loamora mafodedze ikuri iso.

¹³ Ngo nse oye side agbāagbā si otā Yaa iti so atā wū side karō idji si dawo nne oye karō odji. ¹⁴ Alaso si nto lokparama kayi i side dze loito lono ame ne, wū siwarā side nto sikparama kayi xee iide wū adzuni. ¹⁵ Ne oso be loabara? Loakparama kayi gu wū siwarā, xee loakparamagu wū adzuni fie loaka kuka ana ku wū siwarā gu wū adzuni. ¹⁶ Fie si axe ape Yaa siba i fo siwarā ame kerekere ne, nda i fo olaa go nxe i fo kore aabara fie onano nne ato axe fie

ḡatorã ɔsia sɔ iba ngbo go ḡino nne aɣe karõ?
 17 Iawo ɔde sɔ tee abua ape Ḳaa siba, ɣee maturi
 tsɔra iina kusia i fɔ kayi ikparama ame.

18 Nto lope Ḳaa siba sɔ nse loɣe siɖe agbãagbã
 loɖo mi ɔɖuɖu. 19 Ḳee i kasarekõ ne, loabie
 sɔ loɣe atõme aru wa loasu lote maturi ara
 iɖo sɔ loɣe atõme gbodzoo wa nna karõ i siɖe
 agbãagbã ame i maturi kɔre.

20 Wũ manyii midaabara sɔ mabiete i mi
 adzuni ame. Miɖe mabiete i akpi ibara ame ɣee
 i mi adzuni ame ne, miɖe mma lookpa ano. 21 I
 Ōko Sekelea ame ne, Bosate ɔɣe sɔ,
 “Loaɖegu wũ maturi ika i
 siɖeɖe ame gu iki i mafɔ iso.

Ḳee nnemo kɔra iibatã makã me atsue.”

22 Ne ɔso siɖe agbãagbã iɣe ne, ikparĩ iɖe
 itã mma loifo maɖe. Ḳee Ḳaa itõme iɣe ne,
 mafɔɖeɖe karabara kaɖe, iide mma loifo maɖe.

23 Ne ɔso si mafɔɖeɖe ɔɖuɖu ɔba maasakanya
 fie ɔbiara ɔtse siɖe agbãagbã iɣe fie mma loide
 mafɔɖeɖe pia i mi ndẽ ne, maibaɣe sɔ mito
 milala? 24 Ḳee si mi ndẽ ɔbiara to miɖi Ḳaa itõme
 kanya fie ɔturi fefea go loide fɔɖeɖe ɔba mi ndẽ
 ne, ɔto ḡana ɔno itõme iwẽ ibara karabara i ō iso.
 Jasu itõme ne ɔno ɔɣegu sɔ atõme sɔ kpibaradze
 ɔɖe. 25 Ara werɛa wa mpia i ō ɔtu ame to aabɔre
 aba ɔgbami itã sɔ ḡabo sɔ karõ ɔpe agegẽ ole Ḳaa
 ɔɣe sɔ, “Gbaã, Ḳaa pia i mi ndẽ!”

*Ōri Go Iso I Mafɔɖeɖe Ikuri Aabara Ma
 Kasumu.*

26 Wũ manyii, nne lobie sɔ loɣe lobua i
 mi isare iso nde sɔ, si miba miasakanya sɔ

obie sɔ ise ne. ³⁸ Si ɔrere ɔsẽ itõme negbe ne, mi wũ misẽ ɔnyiiɔ.

³⁹ Ne ɔso wũ manyii, misu mi anɔ ɔɖuɖu misia i ʏaa itõme kanya idj iso, ʏee midaanyua siɖe agbãagbã iʏe. ⁴⁰ Mibara ira biara i ɔri iso i isekele ame.

15

Minyigi Nne Bofɔ Bode.

¹ Wũ manyii, kinio ne, lobie sɔ minyigi Itõme Bielea ne loɖere mi fie mifɔ ne, fie miɖe teteree i ne ame. ² Si mimɔẽ Itõme Bielea ne loɖere mi mila teteree ne, miana ngbã, si iide ngbɔ ne, iyo mi kafɔkaɖe na kusia kukuwẽ.

³ Nne lofɔ lobɔregu i Bosate kɔre losu nto lotã mi. Nne lofɔ kuɖa idɔ pelepele nde sɔ, Kristo ɔkpi i bo akpi iti le kumego i ɔko Sekelea ɔte. ⁴ Mabiara wũ, fie ʏaa ɔtara wũ ɔɖi i makpise ndẽ i akpenɛ ate kama i ʏaa itõme kanya. ⁵ ɔɖi so ɔte Petro gu katõmemasɛdze iweo-inyo.

⁶ Ne kama ne, ɔɖi so ɔte ɔ masiaidze ma loɖo maturi alafa aru ana. Ma gbodzoo si ngbã ipe i nɔme ʏee ma mawẽ ɔkpi koko. ⁷ Ne kama ne, ɔɖi so ɔte Yakobo gu katõmemasɛdze tsɔra ɔɖuɖu. ⁸ Katsɔrakɔ ne, ɔɖi so ɔte me go maɖe kamakama.

⁹ Alaso mme nde ɔtsɔra i katõmemasɛdze ndẽ ɔɖuɖu, fie loikote sɔ maarɔ me sɔ katõmesɛdze alaso loti mafɔɖedze kama lobara ma kako. ¹⁰ ʏee ʏaa nnyainyo ɔso fie loɖe nne loɖe kinio. ɔ kayiribielea ana iide siefe, alaso loɔbara karabara teteree loɖo katõmemasɛdze

tsɔra ɔɖuɖu, ɣɛɛ iide mme mɔmɔ ɔle ame lobara, ɣɛɛ ʒaa ɔle go nto ɔbara karabara i wũ ame ɔɖe. ¹¹ Ne ɔso mme loɣere mi irere o-o, ma loɣere mi o-o ne, ira ka iwẽ nɛmɔ kere boto boɣe fie ne mifo miɖe ne.

ʒaa ɔtara Kristo ɔɖi I Makpise Ndẽ.

¹² Kinio ne, go bo itɔme ne boto boɣe nde so ʒaa ɔtara Kristo ɔbɔregu i makpise ndẽ ne, be ɔso i mi ndẽ mawẽ to maɣe so ʒaa iisibatara makpise ɔbo ngbã? ¹³ Si gbaã ide ne, ite so ʒaa iitara Kristo ɔ wũ ɔɖi i makpise ndẽ. ¹⁴ Fie si ʒaa iitara Kristo ɔɖi i makpise ndẽ ne, iyo bona kaira ne boape imomo fie mi kafɔkaɖe ana ɖe siefe. ¹⁵ Nne lonyanyarĩ idɔ kɔra nde so ne, ite so boto bola sila bosia ʒaa iso so ɔtara Kristo ɔbɔregu i makpise ndẽ. Fie si gbaã i makpise iibata ne, iyo ɔitara Kristo ɔ wũ. ¹⁶ Ne ɔso si makpise iibata ne, iyo mitsue so ʒaa iitara Kristo ana ɔɖi i makpise ndẽ. ¹⁷ Fie si ʒaa iitara Kristo ɔɖi i makpise ndẽ gbaã ne, iyo mi kafɔkaɖe na kusia kukuwẽ, fie mikpese mipia i mi akpi ame. ¹⁸ Ne karɔ ana nde so, Kristo mafɔɖedze ma loɔkpi ana ɔwo. ¹⁹ Si ngbã meɖbe ame ɔno wẽ boba ɔriinyo i Kristo ame ne, iyo bo nde mma mba nnya boɖo pelepele i kayiiso.

²⁰ ʒɛɛ gbagbaã ide so ʒaa ɔtara Kristo ɔbɔregu i makpise ndẽ. Ne nde bo ayaikama so mma ɔɖuɖu lokpi ne, mato maaledza ita. ²¹ Alaso kumegɔ ame iki i ɔturi ɔwẽ iso i kukpi ɔba i maturi ndẽ ne, nɖɔ ame ita ibɔre i makpise ndẽ ana aaki i ɔturi ɔwẽ iso iba ne. ²² Kumegɔ ame i kukpi ɔba maturi ɔɖuɖu iso alaso boɖe Adam

mawa ɔso ne, ngbo ame i Yaa to ɔaledza maturi ɔduɔdu itara iboregu i makpise ndɛ iki Kristo iso ne. ²³ Yee Yaa to ɔatara ɔbiara i ɔwi go lokote iso. Kristo loɔe katɔ iyo ne kama mma lofo wu maɔe ata ku ɔwi go ɔaledza ikpese iba. ²⁴ Ne kama ne, kawirikɔ to kaaba, Kristo to ɔawora atakere, maturi kanya mayadze, sile gu siwarã ame sile dze nto siɔe iso ɔduɔdu. Oto ɔasu sigarakadekɔ ɔpia i ɔ Jse Yaa nroɔ ame. ²⁵ Alaso Kristo to ɔaɔe iso gbogboogbo ɔwi go i Yaa aasu ɔ matsirise ɔduɔdu ɔpia i Kristo ngba kayirino. ²⁶ Tsirise tsora go ɔawora nde kukpi.

²⁷ Alaso Oko Sekelea ɔye so, “Yaa to ɔasu ara ɔduɔdu ɔpia i ɔ ngba kayirino.” Fie ikpa sekelee so ara ɔduɔdu ne, Yaa go losu wa ɔpia Kristo kayirino ne, Oibua i wa iso. ²⁸ Fie si Yaa ɔosu ara ɔduɔdu ɔpia i Kristo kayirino oro ne, Kristo go nde Yaa ɔbi ana to ɔasu so ɔpia i Yaa kayirino so Yaa ɔnowe saã aade ara ɔduɔdu iso.

²⁹ Kiniɔ ne, mma lofo Yaa itupie kubarara i mma lookpi koko iti ne, be loabore i ne ame itã ma? Si gbaã ide le kumego i mawe to maɔe so makpise ita kuiwe na ne, be ɔso i mmamo to mafɔ Yaa itupie kubarara i mma lookpi koko iti? ³⁰ Ana ne bo ye? Be ɔso fie bo ngba aawe i imore ame ɔwi biara? ³¹ Wu manyii, kukpi to kugbere me kasẽ i kakome! Wu kato ikoleso i mi iti so miabara mawe ku Kristo Yesu ɔso nto loɔi nnegbe loye. ³² Si maturi kuɔeme kere ɔso fie lokpegu maturi ma nse le maboi lalaa i Efeso ne, mme kusia lona loɔi i ne ame? Fie si maturi iisibata mabore i makpise ame gbaã ne, iyo le

kumegɔ mape igbã sɔ ne, “Mitã boɔɔ si bone, alaso korãkaɔe boto boakpi,” ɔe ɔnukuare.

³³ Midaassosola so. Kulaa nyanyarĩa se kunina ɔturi sɛɛ. ³⁴ Mikpese miba mi ame si minyua mi akpi siri mise si mibara ara i ɔri iso. Nto loɔere mi sekelee si kunuare si kukpẽ mi sɔ mi mawẽ iixe ɔaa.

Paulo ɔɔe Ika I Siturina Iledza Ita Iso.

³⁵ ɔwẽ aakare sɔ, “Nda i makpise aabara fie maaledza ita? Siturina simele igbã maawe?”

³⁶ Iikpa mi! Si mipia ɔraɔui i karõ ame ne, iise ire si iide katõ iburi. ³⁷ Fie ɔraɔui go apia i karõ ame ne, ibi kere ide le itita ɔee idziribi irere. ɔee si ire ne, ise ikpaki ibore i kumegɔ ise fie apia ne i karõ ame. ³⁸ ɔaa se ɔtã idziribi neɔbe kumiamia go ɔ ɔɔɔe. ɔse ɔtã ɔraɔui biara kumiamia go lokotegu wũ.

³⁹ Ara wa ɔɔuɔu mba ngbã sosina iikote. Maturi awune sosina pia, ngbo ame nde maboi, kurodzai gu ndu ame kufarai sire ne, ira biara ku ne sire.

⁴⁰ Ara wa i kuɔokpo ame pia fie karõ iso are ana pia. Kato ara kule ɔkpaki ibore i karõ ara iso. ⁴¹ Kuɔẽ ba kã ifie, fie ɔgbaworeti ana ba ɔ ifie. Awãmi ifie ana ɔkpaki. I awãmi kerekere ndẽ ne, ibiara ba kumegɔ ise ifie. ⁴² Ngbo ame kere iase ku kawirikõ go ɔaa aatara makpise mawe ngbã ne. ɔwi go mabiara ma ne, siturina dze nse siburi siɔe mawe, ɔee ɔwi go ka maata ne, maisibakpi. ⁴³ ɔwi go mabiara wũ ne, ɔnyo nyanyarĩ, ɔɔbɔɔɔ, ɔee ɔwi go ame ɔata ɔbore i makpise ame ne, ɔare situri fie ɔawe ɔle ana.

44 Ɔwi gɔ mabiara wũ ne, kayiiso siturina dze loakpi siɛ.

Ƴɛɛ ɔwi gɔ ka ɔata ne, siwarã ame sosina ɔatagu ala. Si kayiiso siturina pia ne, iyo siwarã ame sire ana pia. 45 Alaso i Ɔko Sekelea ame ne, ipia so, “Ɔturi ɔakatɔ gɔ nde Adam ne, Ƴaa ɔbara wũ gbanadze.” Ƴɛɛ Adam tsɔra gɔgbe ne, ɔ nde Siwarã dze nse sitã ngbã ne. 46 Iiɛ Siwarã ame ɔre kere loɛ katɔ, Ƴɛɛ sosina ame ɔre fie kini i siwarã ame ɔre ɔsiai. 47 Adam ɔakatɔ gɔ i Ƴaa ɔbara ne, sise mapɔ wũ ala. Ƴɛɛ Adam tsɔra ne, Kato ɔɔɔɛ. 48 Mma nde kayiiso maturi ne, mase le ngo mapɔ maɔi i sise ame. Ƴɛɛ mma nde kato mare ne, mase le ngo lobɔɔɛ i kato. 49 Ne ɔso kumegɔ ame bopia siturina le ngo mapɔ maɔi i sise ame ne, ngbɔ ame boapia ngo lobɔɔɛ i kato kumiamia ne.

50 Wũ manyii nne nto loɛ karɔ nde so, siturina gu ima iibawo Ƴaa sigarakadekɔ ame ɔbo. Ira ne nse ikpi ne, iibawo ɔse so iisibakpi inya. 51-52 Minɔ iwerera neɔbe. Bo ɔɔɔɔ iibakpi. Ƴɛɛ i kadadã tsɔra ire ame ne, Ƴaa to ɔafinikira bo kumiamia. Ɔabara ne fie aama inɔmi abusi. Alaso si kadadã ɔbe ne, Ƴaa to ɔatara makpise so maisibaledza ikpi manya fie ɔafinikira bo kumiamia. 53 Alaso ira ne nse inina ne, maafinikira ne makpesera nne loise inina. Ira ne nse ikpi ana ne, maafinikira ne nne loisibakpi. 54 Ne ɔso si iɔba so mafinikira ira ne nse ikpi ikpese nne loise ikpi ne, iyo Ɔko Sekelea ame itɔme ne loɛ so, “Maɔwɔra kukpi, iɛ iso ɔɔba!” aaba i ne ame. 55 Matsɛɛ ana so. “Kukpi, fɔ iɛ iso Ƴɛɛ?”

Fie ɔle gɔ ase ata bo ala ɣee?”

⁵⁶ Kukpi se kuna kɔ ɔle kuɔɔe bo iki ikpi iso. Ikpi ne wũ ne, ne ɔle ɔbɔre i mmara ame. ⁵⁷ ɣee bope ɣaa gɔ lotã bo ide iso iki i Bosate Yesu Kristo ame.

⁵⁸ Ne ɔso ne, wũ manyii ma loipia kuɣe, miya teteree sɔ miibarɔ̃. Mimɔ̃ Bosate karabara mila kukaako alaso miɣe sɔ ira biara ne miabara mitã Bosate ne, iibaɔe siefe.

16

Karatã Itã ɣaa Maturi ɣete.

¹ Kinio ne, i nne mitsere mikare me i karatã ga miasu mibuai mafɔɔɔɔde akuri i Yudea iso ne, mibara nne loɣere mafɔɔɔɔde ma i Galatia sɔ mabara. ² Kosiɔa biara ne, ɔbiara si ɔɔi ira ɔse i ɔ̃ karabara kanya sɔ si loba ne, ara ito kuiwẽ iisibawe. ³ Si loba ne, loatsere ɔko lotã mma i mi mɔmɔ midj sɔ masu mi karatã makelegu Yerusalem. ⁴ Si inya sɔ mme wũ losiai ma ne, iyo bo ɔɔuɔu ka boakela.

Paulo Adzuni Wa ɔbara.

⁵ Nto loaki i Makedonia fie loabo mi kore alaso loɣe sɔ loaki i mmɔ toto. ⁶ Ito ibara me sɔ nto loade ayi arẽsaã i mi kore mmɔ. Siainyo ɔyu ɔwi ɔɔuɔu ne, nto loawe i mi kore fie ka miadi me ɔri loakela ngbegɔ loakela. ⁷ Loito lobie sɔ loatere ise lorui i mi kore ɣee loawe ise iabo ɔwi gɔ i Bosate aatã me.

⁸ Loawe i Efeso ngbe ise iabo Pentekoste iyi iso. ⁹ ɔri siare ɔbusi ngbe ɔtã karabara ga lofo kuya gbaã atoa sɔ matsirise gbodzoo ɔta maye me iso.

¹⁰ Si Timoteo ɔba mi kore ne, mifo wũ kukaako alaso Bosate karabara kaɔe ɔto ɔbara le kumegɔ

nto lobara awe. ¹¹ Midaanyo wũ le obiete xee mibuai wũ so ñ irise aase katõ i isobue ame so ñaba ñatu me alaso nto lonyo ori so ma gu bo manyii tsora aaba.

¹² I bo onyii Apolo itõme iso ne, looxere wũ owi gbodzo so ñ gu mafoddeze mama si maba maanyo mi xee ñitorã so ñaba kinio. Si ona ori owi mama xee ne, oto ñaba.

So Imala Atõme.

¹³ Midzue so si miya teteree i kafokade ame. Mina otu si miwe ole. ¹⁴ Mibara mi karabara odudu i kudoe ame.

¹⁵ Miye Stefana gu ñ iyo maturi. Ma nde maturi deakatõ ma lofiniki i Akaia ibuti ame. Masu so matã Yaa maturi ibuai. Wũ manyii, loto mi i kukpa ¹⁶ so minyo mmagbe igbã nsegbai gu mama ma lobuai mapia kube i karabara ame si mitã so ma igbã loakoko mi.

¹⁷ So oxo me so Stefana gu Fotunato gu Akaiko obo maabo alaso ise me le mi loonya. ¹⁸ Matã so so oxo me gbaã ole xete obo me le kumego iba-o iso. Le so boasia maturi magbe igbã ikpari boware ma.

¹⁹ Mafoddeze ma mpia i Asia karõ iso odudu oya mi o-o! Akwila gu Priskila gu ikuri ne nse isare i ma iyo so maya mi kukaako i Bosate iyere ame. ²⁰ Manyii ma odudu mpia ngbe oya mi o-o!

Miya so i kudoe ame le manyii awe.

²¹ Mme momo korõ losu lotserere so, "Mme Paulo mme nto loya mi o-o!" ²² Oturi biara go loise odoe Bosate ne, sigbari si siba i onyio iso. O Bosate, ba!

²³ Bosate Yesu nnyainyɔ si iwegu mi. ²⁴ Wũ kuɔɔε si kuwegu mi i Yesu Kristo iyere ame. Si iba ngbɔ.

Ndamu Ƴεε Siwu
Siwu: Ndamu Ƴεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 1 Dec 2020

b5020a1a-c7b9-512a-9b46-1e462be571d4